

Novavax Apwosun COVID-19: Met Mi Och Kopwe Sinei



Met E Uwe Apwosun Novavax?

A wor ew minafon apwosun COVID-19 a mwumuta seni Food and Drugs Administration (FDA, Ofesin Pekin Mwongo me Sefei) itan Novavax, a sokono seni ekewe pwan apwosun COVID-19 mi wor non US. Novavax ew apwosun protein subunit mi aia ewe chok, okoten apwosun semwen mi wor aweve ren ekewe sefeien HPV, hepatitis B, me ewe flu. Novavax mi wor ruu kinikinin aia murin 21 ran nefiner, mi kawor ngeni aramas ier 12 me watte seni.

Novavax nge ew ouchean subunit apwos.

Meinisin ekewe apwos mi anisi inisumw ren omw immune ar repwe kuna ewe menin fairos en COVID-19, Novavax a aia ew pekin tumwun ese minafo, iwe sia sinei fichi me weweiti aian.



- Ekei apwosun COVID-19 minen protein subunit ra aia ekis (protein) minen ewe fairos mi afisata COVID-19
- Ra pwan aia ekis me nukun ren fats me suke mi kafin an epwe anisi ewe immune epwe tongeni fiuw ngeni ewe menin fairos pwan an epwe tumwunuk ren nesor me ponon.
- Ese wor minen mRNA non

Angeian Novavax ese kon pwan pochokun.

Ekewe angeian Novavax mi tori chon aia ese kon pochokun usun angeian ekewe pwan ekoch apwosun COVID-19. Metek/apwangepwang, parapar ika pwo won nemonw omw apwos, pwan monunu, metekin musel, metek mokur, metekin chuu, eningaw/mus, me kar. Ekei apwosun protein subunit minen COVID-19 rese tongeni afisi COVID-19 ika pwan ekoch semwen.

Met porousan mi fat?

Ekewe pekin study seni angangen sosot non pioing mi fis non ewe spring 2021 mi pwari pwun ewe apwosun Novavax mi oukano ewe semwenin COVID-19 ukukun pochokunen nge 90% iwe okukun pochokunen ren oukano ar aramas mano ren COVID-19 nge 100%.

Ei apwos ra apasa pwun mi tongeni anisi omw immune non inisumw an epwe fiuw ngeni meinisin menin COVID-19, pwan ewe BA.5, ei porous a feito seni angangen sosot mi chuen fifis. Ekei subunit apwos usun ren Novavax ese aia menin ewe fairos iwe ese tongeni siwini ika atai omw kewe genes. Am uwa pwan sinei pwun Novavax:



- Mi murino ika manaman angangen me non ekoch fonu, pwan pachenong Canada seni chok 2021
- Ese wor masowan usun ekewe pwan ekoch apwos a tongeni afisata allerchi.
- Mi aia ekewe pekin tumwunun semwen mi murino mi pwan wor non ekewe sefeien flu, HPV, hepatitis, me shingles.

Novavax a katowu seni ewe FDA ren Emergency Use Authorization (EUA, Mwumutan Aian Faniten Emerchensi) iei pwan ew finata aramas ra tongeni angei, aweve ren ekewe rese mochen angei ekewe [apwosun mRNA](#).

Apachenongen appos kena ren ekkoch mwich kena repwene kan peser non mwach kan.

Angangen Apwos iei ewe finata mi ouchea.

Pokiten COVID-19 mi chok sopwosopwono, a pwan kawor ekoch tapin apwos. Mi ouchea kopwe chechemeni pwun mi ouchea kopwe apwos. Ese pwan nifinifin meni tapin apwos, kopwe chok angei apwos pwun epwe tumwunuk seni angeian COVID-19. Fos ngeni noumw uwe daktor ren meni ekei apwos epwe och ngonuk.